

**“Ўзбекистон темир йўллари” АЖ ва унинг минтақавий темир йўл
узеллари, бошқармалари, марказлари, дирекциялари, корхоналари,
муассасалари, ташкилотлари ва таркибий бўлинмаларида коррупциявий
хавф-хатарларни баҳолаш
УСЛУБИЁТИ**

I. Умумий қоидалар

1. Мазкур Услубиёт “Ўзбекистон темир йўллари” АЖ (кейинги ўринларда – Жамият), унинг минтақавий темир йўл узеллари, бошқармалари, марказлари, дирекциялари, корхоналари, муассасалари, ташкилотлари ва таркибий бўлинмаларида (кейинги ўринларда – Тизим ташкилотлари) юкланган вазифа ва мажбуриятларни бажаришда юзага келиб чиқадиган коррупциявий хавф-хатарларни баҳолаш бўйича қоидаларни белгилаб беради ҳамда Жамиятда коррупциявий хавф-хатарларни баҳолашга ягона ёндашувни шакллантиришга қаратилган.

2. Қуйидагилар Жамият ва унинг тизим ташкилотларидаги коррупциявий хавф-хатарларни баҳолашнинг мақсади ҳисобланади:

Жамият ва унинг тизим ташкилотлари фаолиятини комплекс таҳлил қилиш орқали коррупция хавф-хатарига энг кўп мойил бўлган функция ва лавозимларини белгилаш;

коррупциявий хавф-хатарларни минималлаштириш бўйича самарали чораларни ишлаб чиқиш.

3. Жамият ва унинг тизим ташкилотларидаги коррупциявий хавф-хатарларни баҳолаш қуйидаги омилларнинг ишлаб чиқилишини назарда тутди:

коррупциявий хавф-хатарлар харитаси;

коррупцияга қарши курашиш чора-тадбирларни, масъул шахсларни, амалга ошириш механизми ва муддатларни ўз ичига белгилаб олган Коррупцияга қарши курашиш бўйича Дастур.

4. Жамият ва унинг тизим ташкилотларидаги коррупциявий хавф-хатарларни баҳолаш ҳар йили ёки қуйидаги ҳолатлар юзага келганда амалга оширилади:

коррупциявий хавф-хатарларни бирламчи баҳолаш зарурияти;

Ўзбекистон Республикаси қонунчилик талабларининг ўзгариши;

функция ёки тартиб-таомилнинг амалга оширилишига сезиларли равишда таъсир кўрсатувчи Жамият ички ҳужжатларининг ўзгариши.

5. Ушбу Услубиётда қуйидаги асосий тушунчалардан фойдаланилади:

қолдиқ хавф-хатар – коррупциявий хавф-хатарни минималлаштиришга қаратилган чоралар қабул қилинганидан сўнг қолувчи хавф-хатар (яъни,

амалдаги коррупцияга қарши курашиш сиёсати ва тартиб-таомилларни, хавф-хатарларни минималлаштириш бўйича чора-тадбирлар ва жорий этилган назоратларни ҳисобга олган ҳолда);

коррупциявий хавф-хатар – ходимлар ёки учинчи шахслар томонидан Жамият ёки унинг тизим ташкилоти номидан ва (ёки) уларнинг манфаатларини кўзлаб коррупциявий хатти-ҳаракатларни содир этиш хавфи;

коррупциявий хавф-хатарларни баҳолаш – Жамият ва унинг тизим ташкилотлари томонидан амалга ошириладиган функцияларни таҳлил қилиш, уларнинг коррупциявий хавф-хатарга мойиллик даражасини аниқлаш, шунингдек функциялар доирасида амалга ошириладиган тегишли тартиб-таомиллар учун ўзига хос ва қолдиқ коррупциявий хавф-хатарларни баҳолаш фаолияти;

коррупциявий хавф-хатарларнинг бирлашган харитаси – Жамият ва унинг тизим ташкилотларидаги коррупциявий хавф-хатарларни баҳолаш натижалари бўйича тузиладиган ва Жамият функциялари ва тартиб-таомилларининг умумий рўйхати, тегишли функцияларни амалга ошириш билан боғлиқ эҳтимолий коррупциявий хавф-хатар (схемалар) таснифи, ўзига хос ва қолдиқ коррупциявий хавф-хатарлар даражаси, уларни минималлаштириш чоралари ва аниқланган коррупциявий хавф-хатарни минималлаштириш чора-тадбирларини амалга ошириш учун масъул бўлган ходимлар лавозимларини ўз ичига олувчи бирлашган ҳужжат;

коррупциявий ҳаракатлар – ходим томонидан бевосита ёки билвосита шахсан ёки учинчи шахслар орқали пора берувчи манфаатлари йўлида ҳаракат ёки ҳаракатсизлик учун моддий манфаатдор бўлиши, шу жумладан пул, қимматбаҳо қоғоз, бошқа кўринишдаги мулк ва мулкый ҳуқуқлар, мулкый характердаги хизматлар олиш, талаб қилиш, ундириш, таклиф қилиш ёки бериш, пора бериш ва/ёки олиш ёки бунда воситачилик қилишда, расмиятчиликларни соддалаштириш учун тўловлар ундириш (пора олиш) ва бошқа ноқонуний мақсадларда ўз хизмат вазифаларидан ноқонуний фойдаланиш;

коррупцияга оид ҳуқуқбузарлик – коррупция аломатларига эга бўлган, содир этилганлиги учун қонунчиликда жавобгарлик назарда тутилган қилмиш;

тартиб-таомил – Жамият ва унинг тизим ташкилотлари функцияларини амалга ошириш доирасидаги ходимлар, бўлинмалар томонидан бажариладиган ёки битта натижага қаратилган ёхуд маълум бир функциянинг ажралмас элементи ҳисобланган, аломатлар бўйича бир гуруҳга бирлаштириш мумкин бўлган ҳаракатлар йиғиндиси;

функция – бир нечта тартиб-таомилни ўз ичига олиши мумкин бўлган Жамиятнинг ички жараён (фаолият йўналишлари)ларидан бири;

ўзига хос хавф-хатар – Жамият ва унинг тизим ташкилотлари фаолияти ҳамда амалга ошириладиган функциялари спецификасидан келиб чиқадиган хавф-хатари, шу билан бирга уни камайтиришга қаратилган чора-тадбирларни амалга оширилиши ҳисобга олинмаган ҳолда (яъни, амалдаги коррупцияга қарши курашиш сиёсати ва тартиб-таомиллари, хавф-хатарларни

минималлаштиришга қаратилган чора-тадбирлар ва жорий этилган назоратлар ҳисобга олинмаган ҳолда);

Тизим ташкилотларининг коррупциявий хавф-хатарлари харитаси – Жамиятнинг тизим ташкилотларидаги коррупциявий хавф-хатарларни баҳолаш натижалари бўйича тузиладиган ҳамда тизим ташкилоти функциялари ва тартиб-таомилларининг умумий рўйхати, тегишли функцияларни амалга ошириш билан боғлиқ эҳтимолий коррупциявий хавф-хатар (схемалар) таснифи, ўзига хос ва қолдиқ коррупциявий хавф-хатарлар даражаси, уларни минималлаштириш чоралари ва аниқланган коррупциявий хатарни минималлаштириш чора-тадбирларини амалга ошириш учун масъул бўлган ходимлар лавозимларини ўз ичига олувчи ҳужжат.

6. Жамият ва унинг тизим ташкилотларидаги коррупциявий хавф-хатарларни баҳолаш Жамият бошқарув раисининг топшириғи асосида амалга оширилади.

7. Коррупциявий хавф-хатарларни баҳолашда Коррупцияга қарши ички назорат тузилмаси қуйидаги вазифаларни амалга оширади:

коррупцияга қарши курашиш бўйича масъулларни жалб қилган ҳолда Жамият ва унинг тизим ташкилотларида хавф-хатарларни баҳолаш жараёнини ташкиллаштиради;

коррупциявий хавф-хатарларни баҳолаш жараёни устидан умумий назоратни амалга оширади;

Жамият ва унинг тизим ташкилотларидаги коррупцияга қарши курашиш бўйича масъуллар, шунингдек Жамият ва унинг тизим ташкилотлари таркибий бўлинмаларига мазкур Услубиётда кўзда тутилган тартибга риоя қилиш бўйича маслаҳатлар беради;

коррупциявий хавф-хатарлар харитасини тузади;

тизим ташкилотларининг коррупциявий хавф-хатарлари харитасини Жамиятнинг коррупциявий хавф-хатарларнинг бирлашган харитасига умумлаштиради;

Жамият раҳбариятига хавф-хатарларни баҳолаш натижалари ва коррупциявий хавф-хатарларнинг бирлашган харитасини тақдим этади;

тасдиқланган хавф-хатарлар харитаси асосида Жамият ва унинг тизим ташкилотлари томонидан ишлаб чиқилган коррупцияга қарши курашиш бўйича дастурлар лойиҳаларини кўриб чиқади ва уларни қабул қилиш мақсадга мувофиқлиги тўғрисида хулоса беради;

тизим ташкилотларининг коррупцияга қарши курашиш бўйича дастури асосида Жамиятнинг коррупцияга қарши курашиш дастурини ишлаб чиқади;

Жамият ва унинг тизим ташкилотларида коррупциявий хавф-хатарларни минималлаштириш бўйича чора-тадбирларини мувофиқлаштиради ва уларни назорат қилади;

ушбу Услубиётда кўзда тутилган бошқа вазифаларни амалга оширади.

Коррупцияга қарши ички назорат тузилмаси зарур ҳолларда Жамият марказий аппарати таркибий бўлинмалари ва тизим ташкилотлари раҳбарлари ҳамда коррупцияга қарши курашиш бўйича масъуллардан қўшимча ахборот ва ҳужжатларни талаб қилиб олади.

II. Коррупциявий хавф-хатарларни дастлабки баҳолаш

9. Жамият ва унинг тизим ташкилотларида коррупциявий хавф-хатарларни дастлабки баҳолаш жараёни тегишли буйруқлар ва уларда кўрсатилган муддатлар асосида амалга оширилади.

Коррупциявий хавф-хатарларни дастлабки баҳолашнинг умумий муддати 3 ойдан ошмаслиги лозим.

10. Коррупциявий хавф-хатарларни дастлабки баҳолаш функцияларнинг коррупциявий хавф-хатарга мойиллик даражасини дастлабки баҳолаш ва тегишли функциялар доирасида Жамият ва унинг тизим ташкилотлари ходимлари томонидан амалга ошириладиган айрим тартиб-таомилларнинг коррупциявий хавф-хатар даражасини баҳолашни ўз ичига олади.

11. Коррупциявий хавф-хатарларни дастлабки баҳолаш, пастдан тегишли тизим ташкилотларидан тепага (Жамият даражасигача), мазкур бобнинг 12–21-бандларида кўрсатилган тартиб ва кетма-кетликда амалга оширилади.

12. Коррупцияга қарши ички назорат тузилмаси ушбу Услубиётнинг **1-иловасида** келтирилган шаклда Коррупциявий хавф-хатарлар харитасини ишлаб чиқиш бўйича Жамият марказий аппаратининг таркибий бўлинмалари ва тизим ташкилотларига кўрсатма юборилишини таъминлайди.

Кўрсатмада тасдиқланган Коррупциявий хавф-хатарлар харитасини Коррупцияга қарши ички назорат тузилмасига тақдим этиш муддатлари кўрсатилиб, бу муддат йигирма беш иш кунидан кам бўлмаслиги керак.

13. Жамият марказий аппарати таркибий бўлинмаларининг Коррупциявий хавф-хатарлар харитаси тегишли бўлинмалар томонидан ишлаб чиқилиб, Коррупцияга қарши ички назорат тузилмасига марказий аппарат учун ягона Коррупциявий хавф-хатарлар харитасини тузиш мақсадида киритилади.

14. Тизим ташкилотларининг Коррупциявий хавф-хатарлар харитаси тизим ташкилотининг Коррупцияга қарши курашиш бўйича масъуллари томонидан тизим ташкилотининг раҳбари билан бирга ишлаб чиқилади ва келишиш учун Жамиятнинг Коррупцияга қарши ички назорат тузилмасига киритилади.

15. Жамиятнинг марказий аппарати таркибий бўлинмалари ва тизим ташкилотлари томонидан ишлаб чиқилган Коррупциявий хавф-хатарлар харитасига оид саволлар юзага келган тақдирда, Коррупцияга қарши ички назорат тузилмаси ходимлари тегишли таркибий бўлинма ёки тизим ташкилотига изоҳ бериш ёхуд харитага тузатиш киритиш учун сўров юборади. Бунда, сўровга жавоб сўров олинган кундан бошлаб беш иш кунидан ошмаган муддатда юборилиши лозим.

16. Коррупцияга қарши ички назорат тузилмаси ходимлари ўз фикрига таянган ҳолда, ўрнатилган тартибда Коррупциявий хавф-хатарлар харитасига ўзгартиришлар киритиш чораларини кўради.

17. Жамият ва унинг тизим ташкилотларининг коррупциявий хавф-хатарлар хариталари асосида Коррупцияга қарши ички назорат тузилмаси

Жамиятнинг коррупциявий хавф-хатарларнинг бирлашган харитасини ишлаб чиқади.

18. Коррупциявий хавф-хатарларнинг бирлашган харитасини тузиш муддати, Жамият ва унинг барча тизим ташкилотларининг коррупциявий хавф-хатарлари харитаси тасдиқлангандан сўнг, ўн иш кунидан ошмаслиги керак.

19. Коррупциявий хавф-хатарларнинг бирлашган харитаси Коррупцияга қарши ички назорат тузилмаси томонидан ишлаб чиқилади ва Жамият бошқаруви раиси томонидан тасдиқланади.

20. Қолдик коррупциявий хавф-хатарнинг юқори даражаси билан ифодаланадиган тартиб-таомиллар учун Коррупцияга қарши ички назорат тузилмаси ва тизим ташкилотларининг коррупцияга қарши курашиш учун масъуллари ушбу Услугабийнинг **2-иловасидаги** шаклга мувофиқ коррупциявий хавф-хатарларга энг кўп мойил бўлган лавозимлар рўйхатини ишлаб чиқади.

21. Жамият ва унинг тизим ташкилотларининг коррупциявий хавф-хатарларга энг кўп мойил бўлган лавозимлар рўйхати Коррупцияга қарши ички назорат тузилмаси ва тизим ташкилотларидаги коррупцияга қарши курашиш учун масъуллар тақдимига асосан тегишлилиги бўйича Жамият бошқарув раиси ва тизим ташкилоти раҳбарлари томонидан тасдиқланади.

22. Коррупциявий хавф-хатарларнинг харитасида белгиланган чора-тадбирларга асосан, ўн иш куни ичида тизим ташкилотлари томонидан Коррупцияга қарши курашиш бўйича дастур ушбу Услугабийнинг **3-иловасига** мувофиқ ишлаб чиқилиб тасдиқланади.

Бунда, тизим ташкилотларининг Коррупцияга қарши курашиш бўйича дастури Жамиятнинг Коррупцияга қарши ички назорат тузилмаси билан келишилгандан сўнг, тегишли тизим ташкилотининг раҳбари томонидан тасдиқланади.

23. Жамиятнинг Коррупцияга қарши курашиш дастури Коррупцияга қарши ички назорат тузилмаси томонидан Жамият марказий аппарати таркибий бўлинмалари билан биргаликда ишлаб чиқилади ҳамда Жамият бошқарув раиси томонидан тасдиқланади.

3-боб. Коррупциявий хавф-хатарларнинг кейинги (хар йиллик) баҳоланиши

24. Жамият ва унинг тизим ташкилотларида коррупциявий хавф-хатарларнинг кейинги баҳоланиши доимий равишда, бир йилда камида бир марта, қоида тариқасида йил бошида Жамият бошқаруви раисининг тегишли буйруғи асосида ўтказилади.

Кейинги (хар йиллик) коррупциявий хавф-хатарларни баҳолаш муддати 2 ойдан ошмаслиги лозим.

25. Йиллик коррупциявий хавф-хатарларни баҳолаш ушбу Услугабийнинг 2-бобида кўрсатилган коррупциявий хавф-хатарларни дастлабки баҳолаш тартибида амалга оширилади.

26. Ҳар йиллик коррупциявий хавф-хатарларни баҳолаш бошланишидан олдин Жамиятнинг Коррупцияга қарши ички назорат тузилмаси Жамият марказий аппарати таркибий бўлинмалари ва тизим ташкилотлари раҳбарларига олдинги баҳолаш даврига нисбатан қонунчиликда ёки ички идоравий ҳужжатларга киритилган ўзгаришларни аниқлаш мақсадида ушбу Услугабийнинг **4-иловасига** мувофиқ шаклда Сўровнома юборди.

27. Коррупцияга қарши ички назорат тузилмаси Жамият марказий аппаратининг таркибий бўлинмалари ва тизим ташкилотлари томонидан тўлдирилган Сўровномаларни йиғади, умулаштиради ва таҳлил қилади.

4-боб. Жамият ва унинг тизим ташкилотларида амалга ошириладиган функциялар ва тартиб-таомилларнинг коррупциявий хавф-хатар даражасини баҳолаш тартиби

28. Коррупциявий хавф-хатарларни баҳолаш ташқи ва ички ахборот манбаларидаги маълумотлар таҳлили асосида амалга оширилади, жумладан:

Жамият функцияларини тартибга солувчи норматив-ҳуқуқий ҳужжатлар ва Жамиятнинг ички ҳужжатлари (мисол учун таркибий бўлинмалар, ходимларнинг лавозим йўриқномалари тўғрисидаги низомлар ва ҳ.к.);

ички текширувлар материаллари, шу билан бирга хизмат текширувлари материаллари;

коррупцияга қарши курашиш бўйича мониторинг натижалари;

одоб-ахлоқ комиссияси йиғилишлари натижалари;

манфаатдор томонлар, Жамият ва унинг тизим ташкилоти томонидан кўрсатиладиган хизматлардан фойдаланувчилар, экспертлар ва бошқа манфаатдор шахслар орасида ўтказилган сўровлар, жумладан ижтимоий тадқиқотлар натижалари бўйича Жамият ва унинг тизим ташкилотлари ходимлари томонидан содир этилган коррупциявий ҳаракатларга оид муурожаатлар;

Жамият ва унинг тизим ташкилотлари фаолиятидаги ҳуқуқбузарликларга оид статистик маълумотлар;

коррупциявий ҳаракатлар тўғрисида хабар беришга мўлжалланган алоқа каналларига келиб тушган жисмоний ва юридик шахсларнинг муурожаатлари;

Жамият ва унинг тизим ташкилотлари ходимлари томонидан содир этилган коррупциявий ҳаракатлар ёки одоб-ахлоқ қоидаларига риоя қилмаслик тўғрисида ОАВдаги маълумотлар;

ижтимоий тармоқларда қолдирилган изоҳлар;

ҳуқуқни муҳофаза қилувчи органлар томонидан тақдим этилган материаллар, жумладан жиноят ишларига доир ахборотлар ва бошқалар.

29. Коррупциявий хавф-хатарларни баҳолаш жараёнида Жамият ва унинг тизим ташкилотининг ҳар бир функцияси ва тартиб-таомили бўйича

коррупциявий ҳаракатларни содир этилиши имкониятлар борлиги бўйича таҳлил қилиш лозим.

30. Ҳар бир функция қуйидаги тартибда баҳоланади:
коррупциявий хавф-хатарларга энг кўп мойил бўлган функция;
коррупциявий хавф-хатарларга энг кам мойил бўлган функция.

31. Ўрганилаётган функция доирасида амалга оширилаётган тартиб-таомилларнинг ўзига хос хавф-хатарини баҳолаш қуйидаги мезонларга кўра амалга оширилади:

ўзига хос юқори хавф-хатар коррупциявий хавф-хатарларга энг кўп мойил бўлган функциялар доирасида амалга ошириладиган тартиб-таомилларга берилади;

ўзига хос ўрта хавф-хатар коррупциявий хавф-хатарларга энг кам мойил бўлган функциялар доирасида амалга ошириладиган тартиб-таомилларга берилади;

ўзига хос паст хавф-хатар хавф-хатарлар кўзда тутилмаган ва Коррупцияга қарши ички назорат тузилмасининг асосли хулосаси асосида истисно тариқасида қўлланилиши мумкин.

32. Қолдиқ коррупциявий хавф-хатар даражасини баҳолаш хавф-хатарли ходиса амалга ошишининг эҳтимоли (мазкур Услубиётнинг 5-иловаси 5.1-жадвалидаги мезонлар) ва коррупциявий хавф-хатарнинг оқибат даражаси (мазкур Услубиётнинг 5-иловаси 5.2-жадвалидаги мезонлар)ни ҳисобга олган ҳолда хавф-хатарлар аҳамиятлилик шаклидан фойдаланиб амалга оширилади (мазкур Услубиётнинг 5-иловаси 5.1-расм).

5 боб. Коррупциявий хавф-хатарнинг қолдиқ даражасини минималлаштириш чоралари

33. Коррупциявий хавф-хатарларни минималлаштириш чора-тадбирларини белгилашда:

ҳар бир чора Жамият ва унинг тизим ташкилотлари ходимлари унинг мақсадлари, пировард натижаси ва маълум бир коррупциявий хавф-хатарни минималлаштириш билан алоқасини тушуниши учун аниқ ва равшан ифода этилиши;

ҳар бир чора учун уни амалга ошириш муддати ёки даврийлиги белгиланиши, уни амалга ошириш учун масъул шахслар, амалга оширилишини мониторинг қилиш ва самарадорлигини баҳолаш механизмлари аниқлаб олинishi зарур.

34. Жамият ва унинг тизим ташкилотларининг коррупциявий хавф-хатарлар харитасига киритилган, аниқланган коррупциявий хавф-хатарларни минималлаштириш чора-тадбирлари Коррупцияга қарши курашиш дастурларига ҳам киритилади.

35. Жамият ва унинг тизим ташкилотларидаги коррупциявий хавф-хатарларни минималлаштириш чора-тадбирларини амалга ошириш устидан назорат Коррупцияга қарши ички назорат тузилмаси ва компаенс бошқармаси томонидан амалга оширилади.

6 боб. Якуний қондалар

36. Зарурат бўлганида, Жамият ва унинг тизим ташкилотларининг коррупциявий хавф-хатарлар харитаси ва коррупцияга қарши курашиш дастурига ўзгартириш ва қўшимчалар киритиш билан боғлиқ масалалар бўйича Коррупцияга қарши ички назорат тузилмаси томонидан Жамият бошқарув раисига таклифлар киритилади.

“Ўзбекистон темир йўллари” АЖ ва унинг
минтақавий темир йўл узеллари, бошқармалари,
марказлари, дирекциялари, корхоналари,
муассасалари, ташкилотлари ва таркибий
бўлинмаларида коррупциявий хавф-хатарларни
баҳолаш Услубиётига 1-илова

**нинг коррупциявий
хавф-хатарлар харитаси**

№	Функция номи	Функциянинг коррупциявий хавф-хатарга мойиллик даражаси(энг кўп мойил / энг кам мойил)	Функция доирасида бажарилаётган тартиб-таомил номи	Тартиб-таомилни бажариш учун масъул бўлган шахслар (лавозими, бўлинмаси)	Эҳтимоллий коррупциявий схема (хавф-хатар)нинг қисқача таърифи	Ўзига хос коррупциявий хавф-хатар (юқори/ўрта/паст)	Мавжуд назорат тартиб-таомиллари / коррупциявий хавф-хатарларни минималлаштириш чоралари	Назорат тартиб-таомиллари/ коррупциявий хавф-хатарларни минималлаштириш чора-тадбирларини тартибга солувчи меъёрий-ҳуқуқий ва ички ҳужжатлар	Назорат тартиб-таомиллари/коррупциявий хавф-хатарларни минималлаштириш чора-тадбирларини амалга ошириш учун масъул шахслар (лавозими, бўлинмаси)	Қолдик хавф-хатар даражаси (юқори / ўрта / паст)	Коррупциявий хавф-хатарларни минималлаштириш бўйича чора-тадбирларни амалга ошириш муддатлари	Изоҳлар (зарур ҳолларда)
1												
2												

1. Бўлинма

- 1.1. Ташкилот ёки муассаса номи
- 1.2. Департамент/Бошқарма
- 1.3. Бўлим

2. Шаклни тўлдириш учун масъул

- 2.1. Ф.И.Ш.
- 2.2. Лавозими
- 2.3. Боғланиш учун (электрон почта, телефон)

“Ўзбекистон темир йўллари” АЖ ва унинг
минтақавий темир йўл узеллари, бошқармалари,
марказлари, дирекциялари, корхоналари,
муассасалари, ташкилотлари ва таркибий
бўлинмаларида коррупциявий хавф-хатарларни
баҳолаш Услубиётига 2-илова

**Коррупция хавф-хатарига энг кўп мойил бўлган лавозимлар
РЎЙХАТИ**

№	Ташкилот номи	Ташкилот тузилмаси номи	Лавозим (функцияларини бажариш учун масъул бўлган шахсларни кўрсатган ҳолда)
1.1.			
...			
2.1.			
...			

“Ўзбекистон темир йўллари” АЖ ва унинг минтақавий темир йўл узеллари, бошқармалари, марказлари, дирекциялари, корхоналари, муассасалари, ташкилотлари ва таркибий бўлинмаларида коррупциявий хавф-хатарларни баҳолаш Услубиётига 3-илова

_____нинг
коррупцияга қарши курашиш дастури

№	Ташкилот номи	Коррупциявий хавф-хатарни минималлаштириш бўйича чоралар/тадбирлар/тартиб-таомиллар	Амалга ошириш механизми	Бажариш муддатлари	Масъул ижрочилар (ФИШ, лавозими)
1.1.					
1.2.					
...					
2.1.					
2.2.					
...					

“Ўзбекистон темир йўллари” АЖ ва унинг минтақавий темир йўл узеллари, бошқармалари, марказлари, дирекциялари, корхоналари, муассасалари, ташкилотлари ва таркибий бўлинмаларида коррупциявий хавф-хатарларни баҳолаш Услубиётига 4-илова

Коррупциявий хавф-хатарларни кейинги босқичда баҳолаш учун ташкилотни таснифлаш бўйича сўровнома ШАКЛИ

Қуйидаги саволларга жавоб берсангиз (кераклигисини тагига чизинг):

1. Коррупциявий хавф-хатар сўнгги мартта баҳолангандан сўнг қонунчиликда қандайдир ўзгаришлар содир бўлганми? Агар жавоб ижобий бўлса, қуйида келтирилган жадвалга тегишли маълумотларни киритинг.

А) Ҳа Б) Йўқ

2. Таркибий бўлинмангиз томонидан бажариладиган тузилма ёки функция фаолиятини тартибга солувчи ички ҳужжатларда коррупциявий хавф-хатар сўнгги марта баҳолангандан сўнг қандайдир ўзгаришлар содир бўлганми? Агар жавоб ижобий бўлса, қуйида келтирилган шаклга тегишли маълумотларни киритинг.

А) Ҳа Б) Йўқ

3. Коррупциявий хавф-хатар сўнгги мартта баҳолангандан сўнг давлат бошқарув органлари фаолияти/тузилмасида таркибий бўлинмангиз томонидан бажарилаётган функцияга таъсир қилган/таъсир қилиши мумкин бўлган қандайдир ўзгаришлар юз бердимми? Агар жавобингиз ижобий бўлса, қуйида келтирилган шаклга тегишли маълумотларни киритинг.

А) Ҳа Б) Йўқ

4. Коррупциявий хавф-хатарларни аввалги баҳолашда кўзда тутилган коррупциявий хавф-хатарларни минималлаштириш чора-тадбирлари амалга оширилдимми? Нима ва қачон амалга оширилганини таърифлаб беринг. Агар амалга оширилмаган ёки қисман амалга оширилган бўлса, сабабини ёзинг.

А) Ҳа Б) Йўқ В) Қисман амалга оширилган

5. Давлат органи/идораси тизими бўлинмаларида функцияларни бажариш ва тартиб-таомилларни амалга оширишга таъсир кўрсатиши мумкин бўлган бошқа шарт-шароитлар мавжудми? Агар жавобингиз ижобий бўлса, қуйида келтирилган жадвалга тегишли маълумотларни киритинг.

А) Ҳа

Б) Йўқ

№	Ташкилот номи	Ташкилот тузилмаси номи	Функциялар ўзгариши сабаблари	Ўзгарган функция таърифи	Функция доирасида бажарилаётган янги/ўзгарган тартиб-таомиллар	Тартиб-таомилларни бажариш учун масъул шахслар (ФИШ, лавозими)
1.1.1						
1.1.2						
...						

Ташкилот ёки муассаса _____

Бўлинма _____

Тўлдираётган шахснинг лавозими _____

Тўлдираётган шахснинг Ф.И.Ш. _____

Имзо _____

Тўлдириш санаси _____

“Ўзбекистон темир йўллари” АЖ ва унинг минтақавий темир йўл узеллари, бошқармалари, марказлари, дирекциялари, корхоналари, муассасалари, ташкилотлари ва таркибий бўлинмаларида коррупциявий хавф-хатарларни баҳолаш Услубиётига 5-илова

5.1-жадвал – Коррупциявий хавф-хатар эҳтимоли даражасини аниқлаш мезонлари

Эҳтимоли	Таърифи
Юқори	<ul style="list-style-type: none"> – Ўзига хос хавф-хатар даражаси юқори – Назорат тадбирларининг мавжуд эмаслиги / сезиларли даражада кам-кўстини тўлдириш керак бўлган назорат тадбирларининг мавжудлиги – Тартиб-таомилнинг ички ҳужжатлар ёрдамида аниқ тартибга солиниши мавжуд эмаслиги – Тартиб-таомилни автоматлаштириш мавжуд эмаслиги/даражаси пастлиги
Ўртача	<ul style="list-style-type: none"> – Ўзига хос хавф-хатар даражаси ўрта – Тартиб-таомил тартибга солинган, кам-кўстини оз миқдорда тўлдириш керак бўлган назорат тадбирлари жорий этилган – Тартиб-таомил тартибга солинган, қисман автоматлаштирилган, бироқ етарли даражада шаффоф эмас – Ўзига хос хавф-хатар даражаси юқори хавф-хатарни камайтириш учун етарли бўлган назорат тадбирлари, жумладан Ташкилотнинг ички ҳужжатлари билан тартибга солинган, камида учта шахс томонидан кросс-функционал назорат (давлат органи ва ташкилоти ҳудудий ва таркибий давлат бўлинмаларининг назорат қилиниши)ни кўзда тутувчи назорат тадбирларининг мавжудлиги – Тартиб-таомил қисман ёки тўлиқ автоматлаштирилган

Эҳтимоли	Таърифи
Паст	<ul style="list-style-type: none"> – Ўзига хос хавф-хатар даражаси паст – Ўзига хос хавф-хатар даражаси ўрта ҳамда хавф-хатарни камайтириш учун етарли бўлган назорат тадбирлари, жумладан ички ҳужжатлар билан тартибга солинган, камида учта шахс томонидан кросс-функционал назоратни кўзда тутувчи назорат тадбирларининг мавжудлиги – Тартиб-таомил тўлиқ автоматлаштирилган

5.2-жадвал – Коррупциявий хавф-хатарнинг оқибат (таъсирчанлик) даражасини аниқлаш мезонлари

Оқибат даражаси	Обрўга путур етказиш	Жавобгарлик
Юқори	<ul style="list-style-type: none"> – Хавф-хатар ташкилотнинг мамлакат ва халқаро миқёсдаги обрўсига сезиларли равишда путур етказди 	<ul style="list-style-type: none"> – Ташкилот ходимларига нисбатан жиноий иш кўзғатиш учун тегишли органларга ҳужжат юбориш ташаббуси билан чиқиш
Ўрта	<ul style="list-style-type: none"> – ОАВда салбий ҳодисанинг ёритилиши; – Аҳоли ва ҳамкорлардан салбий фикрлар ва шикоятлар олиш; – хавф-хатар ташкилот обрўсига маҳаллий даражада путур етказди. 	<ul style="list-style-type: none"> – Ташкилот ходимларига нисбатан маъмурий суриштирув ўтказиш учун ҳужжатларни Коррупцияга қарши курашиш агентлигига юбориш ташаббуси билан чиқиш
Паст	<ul style="list-style-type: none"> – Аҳоли, маҳаллий ОАВлардан вазиятга изоҳ беришни сўраб алоҳида сўровлар тушиши мумкин 	<ul style="list-style-type: none"> – Давлат органи/идораси тизими ходимларига нисбатан хизмат текшируви ўтказиш ташаббуси билан чиқиш мумкин

5.1-расм. Қолдиқ хавф-хатар даражасини аниқлаш шакли

